

علبة الرموش

حُطِّي عليها اللزق
إمسكيها بالملقاط
مش بصوابعك!
ثبتيها فوق الرمش الحقيقي
وبالصوابع ساويها
الناحيتين لازم يتساووا ببعض
لأ..!

ماينفعش ناحيه أقصر..

ساويهم بالمقص

وعيدي من الأول.

أصعب حاجه:

إن كل عين ترمش لوحدها

أو يلزق رمش في الجفن.

الرمش الطبيعي

مش ح يتخاتق مع الصناعي

لأنه بقى خفيف

يشبه زغب الفرخة.

بقى خجلان من شكله في المראה.

ما تخافيش

كده شكلك أجمل.

مش لازم الزينة لزوم الإثارة.

ساعات

بتدينا طاقة نقبل نفسنا.

أيوة

لما ترجعي حطيمهم هنا

في علبة الرموش الأنيقة دي

حافظي عليهم.